

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

PREMIS DISYAKI MENJUAL MINYAK WANGI TIRUAN JENAMA TERKENAL DISERBU

PUTRAJAYA, 22 Disember 2021 – Bahagian Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) telah melakukan serbuan ke atas sebuah premis yang disyaki menjual minyak wangi tiruan di Jalan Klang Lama, Kuala Lumpur pada 14 Disember 2021 yang lalu.

2. Operasi yang bermula pada jam 1.45 petang itu dengan kekuatan seramai empat (4) orang anggota penguat kuasa KPDNHEP Putrajaya yang diketuai oleh Mohd Aizamie bin Namami. Serbuan dilakukan berikutan aduan yang diterima daripada wakil cap dagangan Global Trade Shields (GTS) berhubung penjualan produk wangian pelbagai jenama terkenal.

3. Ketika serbuan, seramai lapan (8) orang pekerja sedang membungkus minyak wangi tersebut dipercayai untuk dipasarkan sekitar Semenanjung Malaysia yang dijual secara dalam talian. Pemeriksaan lanjut mendapati, terdapat sebuah stor simpanan berada di dalam premis tersebut yang menempatkan pelbagai jenis dan jenama produk wangian badan. Hasil pengecaman awal daripada wakil pihak pengadu juga mengesahkan bahawa kesemua produk tersebut adalah tiruan berdasarkan ciri-ciri yang ada pada pembungkusan minyak wangi terbabit.

4. Hasil pemeriksaan lanjut telah menemukan sejumlah **13,577 unit** minyak wangi pelbagai jenama dan kesemua minyak wangi tersebut bersama beberapa dokumen perniagaan disita untuk siasatan lanjut. **Nilai rampasan dianggarkan berjumlah RM117,435.00**. Lapan (8) orang pekerja terbabit dan seorang pemilik perniagaan kesemuanya warga tempatan ditahan bagi membantu siasatan.

5. Kes disiasat di bawah Seksyen 102(1)(c) Akta Cap Dagangan 2019 iaitu mana-mana orang yang mempunyai dalam milikan, jagaan atau kawalannya bagi maksud perdagangan atau pengilangan apa-apa barang suatu cap dagangan berdaftar dipakaikan dengan salah.

6. Mana-mana orang yang melakukan kesalahan di bawah peruntukan undang-undang ini, jika disabitkan kesalahan boleh dikenakan denda seperti berikut:

- i. jika orang itu ialah suatu pertubuhan perbadanan, didenda tidak melebihi lima belas ribu ringgit bagi bagi setiap barang-barang yang dipakaikan dengan salah cap dagangan berdaftar itu, manakala bagi kesalahan kedua atau berikutnya, didenda tidak melebihi tiga puluh ribu ringgit bagi setiap barang-barang yang dipakaikan dengan salah cap dagangan berdaftar;atau
- ii. jika orang itu ialah bukan suatu pertubuhan perbadanan, didenda tidak melebihi sepuluh ribu ringgit bagi bagi setiap barang-barang yang dipakaikan dengan salah cap dagangan berdaftar itu atau dipenjarakan selama tempoh tidak melebihi tiga tahun atau kedua-duanya, dan bagi kesalahan kedua atau berikutnya, didenda tidak

melebihi dua puluh ribu ringgit bagi setiap barang-barang yang dipakaikan dengan salah cap dagangan berdaftar atau dipenjarakan selama tempoh tidak melebihi lima tahun atau kedua-duanya.

7. KPDNHEP ingin memberikan amaran kepada semua peniaga agar sentiasa mematuhi perundangan yang dikuatkuasakan termasuklah dengan tidak menjual barangan tiruan bagi mengelakkan dikenakan tindakan yang tegas di bawah peruntukan undang-undang ini.

8. Pengguna juga dinasihatkan agar sentiasa berhati-hati di dalam melakukan pembelian terutamanya secara dalam talian agar tidak mudah terpedaya dengan taktik penjualan barangan tiruan ini serta tidak menyokong penjualan barangan tiruan kerana dikhuatiri boleh mengakibatkan kerugian dan menjejaskan kesihatan pengguna.

9. Sekiranya orang ramai mempunyai sebarang maklumat berhubung penjualan barangan tiruan ini boleh melaporkan kepada pihak KPDNHEP melalui saluran aduan berikut:

- i. WhatsApp 019-279 4317
- ii. Portal Aduan; e-aduan.kpdnhep.gov.my
- ii. Call Centre 1-800-886-800
- iii. Emel e-aduan@kpdnhep.gov.my
- iv. Ez ADU KPDNHEP
- v. Pusat Arahan Penguatkuasaan (ECC)
03-8882 6088/6245

Azman bin Adam
Pengarah Penguat Kuasa
Kementerian Perdagangan Dalam Negeri
dan Hal Ehwal Pengguna
PUTRAJAYA

22 Disember 2021

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

